



## **ISUMAQATIGIISSUT**

Sulinermik Inuussutissarsiuqartut Kattuffiata

aamma

Arctic Prime Fisheries ApS-ip

akornanni

Qaammammusialinnut aamma nalunaaquttap akunnermusialinnut

1. Apriili 2026 – 31. Marsi 2029

## Imarisai

§ 1 - Isumaqatigiisummi pineqartut. ....	4
§ 2 - Piffissaq suliffiusoq. ....	4
§ 3 - Akissarsiat. ....	5
§ 4 - Soraarnerussutisiassanut akiliutissat taakkualu akilerneqartarnerat. ....	6
§ 5 - Qaangiuttoornerit aamma qaangiuttoornermut taarsiullugu sulinngiffeqarnerit. ....	6
§ 6 - Suliartoqquneqarataarsinnaanermut tapisiat. ....	8
§ 7 - Immikkut tapit. ....	8
§ 8 - Sapaatini nalliuttunilu tapisiat aamma nalliuttuni ulluinnartigoortuni akissarsiat. ....	8
§ 9 - Piffissamut suliffimmut nikisitaartumut aamma nikittaalluni sulinermut tapisiat. ....	10
§ 10 - Atisat isumannaallisaatit il. il. ....	10
§ 11 - Ukiut suliffiit malillugit akissarsiat qaffaatissaat. ....	10
§ 12 - Nioqqutissioneq siuarsarniarlugu akissarsialersuineq. ....	11
§ 13 - Suliamik unitsitsigallarneq. ....	13
§ 14 - Assuarlersinnaatitaaneq. ....	13
§ 15 - Akissarsiat tunniunneqartarnerat. ....	14
§ 16 - Sulinngiffeqarneq sulinngiffeqarnerisutillu. ....	14
§ 17 - Aningaasaateqarfiit. ....	15
QAAMMARSAANERMUT ILINNIARTITAANERMUT ANINGAASAATEQARFIK: ....	15
SULINNGIFFEQARNERMUT ANINGAASAATEQARFIK: ....	15
ISUMAGINNINNERMUT ANINGAASAATEQARFIK: ....	15
§ 18 - Toqukkut qimagaanersiutit. ....	15
§ 19 - Meeqqap napparsimanerini sulinngikkallarneq. ....	16
§ 20 - Meeqqap napparsimanerini sulinngikkallarnerit allat. ....	16
§ 21 - Qinikkatut pisortanillu toqqakkatut suliassaqartitaaneq. ....	17
§ 22 - Sulinngikkallarnerit immikkut ittut allat. ....	18
§ 23 - Naartuneq, ernineq qitornavissiartaarnerlu. ....	19
§ 24 - Pikkorissutsimut tapisiat. ....	19
§ 25 - Ineqarneq. ....	20
§ 26 - Atorfininnermi soraarnermilu akiliunneqarluni angalanerit. ....	20

§ 27 - Napparsimaneq.....	22
§ 28 - Aaqqiagiinngissutit assigiinngitsuliorlunilu soraarsitsinerit.....	24
§ 30 - Lærlingit ilinniartullu.....	24
§ 31 - Soraarniuteqarneq soraarsitsinerlu. ....	24
§ 32 - Piffissaq isumaqatigiissutip atuuffia.....	26

## **§ 1 - Isumaqatigiisummi pineqartut.**

Isumaqatigiisummi tassani pineqarput tunisassiornermi sulisut tamarmik, suleqatigiit siulersortaat kiisalu Laboratorieassistentit Arctic Prime Fisheries ApS-imi qaammammusiaqarlutik sulisunut.

**Imm. 2.** Atorfinitsitaaneq pissaaq isumaqatigiissut nalinginnaasoq illua'tungeriinnit akuerisaq naapertorlgu. Isumaqatigiissut nalinginnaasoq isumaqatigiissut manna malillugu sulisunut tamanut atuuppoq.

**Imm. 3.** Isumaqatigiissut manna malillugu sulisut aalajaatsut imaluunniit pisortaausut naliliinerat malillugu suliffimmut naleqaqisut neqeroorfigineqarsinnaapput aalajangersimasumik qaammamusialittut atorfinitsinneqarnissaannik. Nalunaaquttap-akunnermusiaqarnermit qaammammusiaqarnermut nuunnermi akissarsiat inissinneqarnerat tapisiallu nalunaaquttap-akunnermusiallit qaammammut nalinginnaasumik akissarsiarisartagaannit qaffasinnerusumik akissarsiaqaataalissapput.

## **§ 2 - Piffissaq suliffiusoq.**

Piffissaq suliffiusoq nalinginnaasoq sapaatip akunneranut nal. ak. 40-nik sivisussuseqarpoq, agguaqatigiissitsinikkut naligalugit qaammamusialinnut qaammammut nal. ak. 173 1/3.

**Imm. 2.** Ullormut piffissap suliffiusussap iluani sulinngitsoornerit akissarsianit ilanngaati-neqartassapput. Akissarsianit ilanngaat tassaavoq sulisup pineqartup nalinginnaasumik nal. akunneranut akissarsiaa nal. akunnerani pineqartumi tapisariunnagai ilanngullugit. Nal. akunnerata affaa angullugu sulinngitsoornerit nal. akunnerata affaatut naatsorsorneqassapput.

**Imm. 3.** Nalinginnaasumik piffissaq suliffiusoq ulluni 7-ni nal. akunnerinik 40-nik sivisussuseqarpoq ataasinngornermiit sapaat ilanngullugu naatsorsorneqartartoq. Allamik isumaqatigiissuteqartoqarsimatinnagu piffissaq suliffiusoq sapaatip-akunnerata ulluini siullerni 6-ini inissinneqartassaaq nal. 06.00-imit nal. 17.00-imit aammalu, sapaatip akunnerani tulluuttumi

tunisassiornerup aallartinneranut atatillugu sulinermi, sapaammi nal. 14.00-imit 23.00-imit. Sapaatip akunnerani ulluni arfineq-marlunni nalinginnaasumik ullut marluk sulisartunut ataa-siakkaanut sulinngiffiupput.

**Imm. 4.** Piffissaq ullormut suliffiusartussaq sulisitsisumit aalajangersarneqartassaaq sulisartunik taakkualu sinniisaannik oqaloqatiginnereernikkut suliffimmut iluaqutaasussaq eqqarsaatigalugu.

### § 3 - Akissarsiat.

Akissarsiat qaammammut, qaammammusialinnut imaapput:

Qaammammusiallit	1. april 2026	1. april 2027	1. april 2028
	kr. Qaammammut	kr. Qaammammut	kr. Qaammammut
Nioqqutissiornermi sulisut	20.918,97	21.612,30	22.305,64

Qaammammusiallit	1. april 2026	1. april 2027	1. april 2028
	kr. Qaammammut	kr. Qaammammut	kr. Qaammammut
Suleqatigiit siulersortaat aamma Laboratorieassistentit	22.998,93	23.692,26	24.385,60

**Imm. 2.** Akissarsiat nalunaaquttap akunnermut, nalunaaquttap akunnermusialinnut:

Nalunaaquttap akunnermusiallit	1. april 2026	1. april 2027	1. april 2028
	kr. Nal. akunneranut	kr. Nal. akunneranut	kr. Nal. akunneranut
Nioqqutissiornermi sulisut	118,00	122,00	126,00

Nalunaaquttap akunnermusiallit	1. april 2026	1. april 2027	1. april 2028
	kr. Nal. akunneranut	kr. Nal. akunneranut	kr. Nal. akunneranut
Suleqatigiit siulersortaat aamma Laboratorieassistentit	130,00	134,00	138,00

#### **§ 4 - Soraarnerussutisiassanut akiliutissat taakkualu akilerneqartarnerat.**

Isuqaqatigiissut manna malillugu sulisut Sulinermik Inuussutissarsiuqartut Soraarnerussutisi-aqalernissamut Aningaasaateqarfiat sukulluunniit atorneqartumut ilaapput.

Soraarnerussutisiassanut akiliutit naatsorsorneqassapput akissarsiat tamarmiusut, tassa bonusit/akkordernersiutillu, tapisiaajunnartut 1. aprili 2026-imit atuuttut ilanngullugit, tunngavigalugit:

Sulisitsisup akiliutissai:	8,2 %
<u>Sulisup akiliutissai:</u>	<u>3,5 %</u>
Katillugit:	11,7 %

**Imm. 2.** Soraarnerussutisiassat qaammammoortumik ataasiarluni SISA-mut akiliutigineqartassapput. Akiligassanngortinneqarnerisa kingornatigut ulloq piffissaq eqqorlugu akiliiffiusussaq kingulleq tassaavoq qaammatip ulluisa qulingat.

#### **§ 5 - Qaangiuttoornerit aamma qaangiuttoornermut taarsiullugu sulinngiffeqarnerit.**

Qaangiuttoorneq sapinngisamik pinngitsoorniarneqassaaq. Piffissap nalinginnaasumik suliffiusup, tak. § 2, imm. 1, saniatigut sulilluni qaangiuttoornerussatut naalakkiutigineqartumik nakkutigineqartumillu sulilluni qaangiuttoornertut suliffiusumut nalunaaquttap akunnermusiamut imaluunniit bonusimut/akkordimut tapisiaq naatsorsorneqartassaaq. Tapisiaq nalu-

naaqquttap-akunnerinut tamanut § 3 tunngavigalugu nalunaaqquttap-akunnermusiap 50%-eris-savaa.

**Imm. 2.** Qaangiuttoornerisiaqarnermut taarsiullugu sulinngiffeqartoqarsinnaavoq sulisartup suli-sitsisullu isumaqatigiinneratigut. Taamaalilluni qaangiuttoorsiaqarnissaralumut taarsiullugu sulinngiffigineqassapput nal. akunneri qaangiuttoorfusut amerlaqataat 50%-inik ilallugit. Qaa-angiuttoornerisiaqarnermut taarsiullugit sulinngiffigisassat katersorneqassapput nal. akunnerisa qaangiuttoorfusut affaasa aallartinneri tamaasa.

**Imm. 3.** Qaangiuttoorneq sulinngiffeqaataassaaq/akilerneqassaaq aatsaat piffissami akissarsi-aqarfiusumi piffissaq suliffiusoq naammassineqareerpat.

**Imm. 4.** Sulinermut piffissamit akissarsiaqarfiusumit sivikinnerusimasumut piffissaq suliuuffiusoq nalinginnaasoq naatsorsorneqassaaq ullormut nal. ak. 8-tut, kisianni sapaatip akunneranut nal. ak. 40-tut.

**Imm. 5.** Sulilluni qaangiuttoornissaq suliffiup nalinginnaasup naanissaa nalunaaqquttap-akun-nerinik 4-nik sioqqullugu nalunaarutigineqartassaaq. Sioqqutsilluni nalunaaruteqartoqarsi-mangippat sulilluni qaangiuttoornermik ataatsimik sulilluni qaangiuttoornerpiaat saniatigut akissarsititsisoqassaaq.

**Imm. 6.** Sulilluni qaangiuttoornernut ullup suliffiusup nalinginnaasup suliffissatut ileqqusu-mik sivisussusia ikinnerpaamik nalunaaqquttap akunnerinik 5-inik sinnerlugu sivisussuseqartu-nut, sulilluni qaangiuttoornerpiaat qaavatigut sulilluni qaangiuttoornermik nal. ak. ataatsimik akissarsititsisoqassaaq.

**Imm. 7.** Sulisoq piffissap suliffiusup nalinginnaasup avataatigut suliartoqquneqarpat – sumiif-fiup suliffigisap qimanneqareerneratigut imaluunniit ulluni suliffiusussaanngikkaluartuni – ikinnerpaamik nalunaaqquttap akunnerinut 4-nut akissarsititsisoqassaaq.

## **§ 6 - Suliartoqquneqarataarsinnaanermut tapisiat.**

Sulisunut aqunneqarsinnaangitsumik imaluunniit aqukkuminaatsumik qaangiuttoortartunut ukununga taarsiullugu suliartoqquneqaratarsinnaanermut tapisisitsisoqarsinnaavoq:

1. Qaangiuttoornersiutinut § 5-imi taaneqartunut,
2. Sapaatini nalliuttunilu sulinermi akissarsianut § 8-mi taaneqartunut,
3. Piffissani nikisitaartuni sulinermi tapisianut § 9-mi taaneqartunut.

Suliartoqquneratarsinnaanermut tapisiap angissusissaa illua'tungeriit isumaqatigiissuteqartartut isumaqatigiinniarnersigut aalajangerneqassaaq.

## **§ 7 - Immikkut tapit.**

Pissutsini immikkut ittuni aammalu sulisitsisup sulisullu sinniisuata isumaqatigiinniarnersigut sulisoq inummut namminermt tunngasumik tapisiaqartinneqarsinnaavoq.

**Imm. 2.** Isumaqatigiissutigineqartut SIK-mut ilisimatitsissutitut nassiunneqassapput.

## **§ 8 - Sapaatini nalliuttunilu tapisiat aamma nalliuttuni ulluinnartigoortuni akissarsiat.**

Sapaatini aamma nalliuttuni sulinermi nalunaaquttap-akunneranut akissarsiat taperneqartassapput.

- Tapisiaq § 3 malillugu nalunaaquttap-akunnermusiap 50 procenterissavaa.

Sapaatini nalliuttuni ulluinnartigoortuni sulinermi nalunaaquttap-akunneranut akissarsiat taperneqartassapput.

- Tapisiaq § 3 malillugu nalunaaquttap-akunnermusiap 100 procenterissavaa.

Sulineq qaangiuttoorneruppat taaneqareersup saniatigut § 5, imm. 1 naapertorlugu qaavati-  
tigut qaangiuttoornermut tapisialiisoqassaaq imaluunniit § 5, imm. 2 naapertorlugu qaangiut-  
toornissaagaluamut taarsiullugu sulinnigikkallartitsineqassalluni

**Imm. 2.** Sapaatini nalliuttuni ulluinnartigoortuni sulinermi tapit qaffapput:

- Nalliuttoq sapaataanngitsoq, ulloq tamaat: 300 kr.-it
- Nalliuttoq sapaataanngitsoq, ullup affaa: 150 kr.-it

**Imm. 3.** Nalliuttuni aamma nalliuttuni ulluinnartigoortuni sulisunut akissarsititsisoqassaaq imm.  
2 malillugu, aamma tunisassiorfilluunniit ulluni taakkunani matoqqatinneqassagaluarpap.

**Imm. 4.** Ullut nalliuttutut naatsorsuutigineqartut tassaapput:

- a) Ukiortaaq, 1. januaari.
- b) Kunngit pingasut (nal. 12 kingorna), 6. januaari
- c) Sisamanngorneq illernartoq,
- d) Tallimanngorneq tannaartoq,
- e) Poorskip ullua Poorskillu aappaa,
- f) Nunani tamalaani sulisartut ulluat 1. maaji (ulloq naallugu),
- g) Tussiarfissuaq,
- h) Qilaliarfik,
- i) Pinsep aappaa
- j) Kalaallit Nunaanni inuiattut ullorsiorneq, 21. juuni,
- k) Juulliaraq, 24. decembari,
- l) Juullip ullua, 25. decembari,
- m) Juullip ulluisa aappaat, 26. decembari,
- n) Ukiutoqaaq, 31. decembari

## **§ 9 - Piffissamut suliffimmuq nikiisitaartumut aamma nikittaalluni sulinermut tapisiat.**

Piffissaq suliffiusussaq piffissat § 2 imm. 1-imi taaneqartut avataannut inissinneqarpat, imaluunniit suleqatigiikkuutaarluni nikittaalluni sulisoqarpat makkuninnga tapisiaqartitsisoqassaaq:

- a) Piffissamut 15.30 aamma 01.00-ip akornanniittumut: nal. akunneranut 8,00 kr.
- b) Piffissamut 01.00 aamma 06.00-ip akornanniittumut: nal. akunneranut 20,00 kr.

**Imm. 2.** Piffissami nikiisitaartumi aamma nikittaalluni sulinermi qaangiuttoornerutillugu qaangiuttoornerisiant taarsiullugu sulingiffeqartitsisoqassaaq § 5 imm. 2 tunngavigalugu, imaluunniit qaangiuttoornerisiantaartitsisoqassaaq § 5 imm. 1 tunngavigalugu.

**Imm. 3.** Nikittaalluni sulineq nangiinnarluni nikinnerit aappaannut pingajuannullu qaangiuttoornerutillugu imm. 1 tunngavigalugu nikittaannermi tapisiasat kingulliit aamma § 5 imm. 2 tunngavigalugu qaangiuttoornerisiant taarsiullugu sulingiffeqartitsineq pineqassapput, imaluunniit § 5 imm. 1 tunngavigalugu qaangiuttoornermut tapisisitsisoqassalluni.

## **§ 10 - Atisat isumannaallisaatit il. il.**

Sulisitsisup sulisunut akeqanngitsumik atugassanngortissavai aaqqatit, kamippaat immikkut ittut, atisat oqorsaait, saaliaqutit gummiusut il. il., isumannaatsuunissaq eqqiluisaarnissarlu pillugit atorreqartariaqartut.

## **§ 11 - Ukiut suliffiit malillugit akissarsiat qaffaatissaat.**

Qaammammusianut, taamattaarlu bonusisianut, ilanngunneqassapput ukiut suliffiit malillugit akissarsiat qaffaatissaattut tapisiasat imaattut:

- a) Sulisartoq suliffinni isumaqatigiissutip matuma atuuffigisaani ataannartumik  
ukioq ataaseq sulisimappat taakkunungalugu atassuteqarsimappat 8,00 kr.-it.
- b) Ukiut 5-it sulereersimappat 9,00 kr.-it.
- c) Ukiut 8-it sinnerlugit sulereersimappat 11,00 kr.-it.

- |   |               |
|---|---------------|
| d) Ukiut 12-it sulereersimappat             | 12,00 kr.-it. |
| e) Ukiut 15-it sinnerlugit sulereersimappat | 15,00 kr.-it. |

**Imm. 2.** Ukiut suliffiit malillugit akissarsiat qaffaatissaattut tapisiat tunniunneqartassapput suliffinni isumaqatigiissutip matuma atuuffigisaani sulisimaneq taakkunungalu atassuteqarsimaneq tunngavigalugu.

**Imm. 3.** Piffissami ataannartumik sulisimanermi imm. 1-imi taaneqartumi pineqarput sulisup suliffimmi sulisimaneq ataatsimut katillugu kiisalu piffissani sulisup sunniuteqarfigisinnaasimanngisaanik nioqqutissiornermik unitsitsiffiusimasuni sulingikkaluarluni suliffimmut atassuteqarsimaneq. Atassuteqarnerup tamatuma kipineqarnissaa suliffimmit kissaatigineqarpat tamanna pissaaq § 32-mi – Soraarneq/Soraarsitsineq – aalajangersakkat malillugit.

**Imm. 4.** Sulitsisumi taannaasumi ataannartumik sulisimagaanni sulingiffeqarnikkut, napparsimanikkut, erninikkut qitornavissartaarnikkullu kiisalu qinikkatut pisortanillu toqqakkatut suliasaqartitaanikkut sulingikkaluarluni ukiut suliffiit malillugit akissarsiat qaffaatissaat katersorneqassapput.

**Imm. 5.** Isumaqatigiissut manna malillugu sulisunik atorfinitsitseqqinnermi ukiut suliffiit malillugit akissarsiat qaffaatissaannik siusinnerusukkut katersugarisimasat ilanngullugit naatsorsuutigineqassapput.

## **§ 12 - Nioqqutissiorneq siuarsarniarlugu akissarsialersuineq.**

Illua'tungeriit isumaqatigiissutigaat nioqqutissiorneq siuarsarniarlugu akissarsialersuariaatsinik sapinngisamik annerpaamik atuisoqassasoq, pingaartumik bonusisitsisarneq akkordertitsisarneq eqqarsaatigalugit. Bonusisitsisarneq/akkordertitsisarneq pillugit isumaqatigiissutini ataasiakkaani tamani isumaqatigiissutigineqartassaaq pissutsit immikkut ittut suut aqqissuussinnermi atuutissanersut.

**Imm. 2.** Bonusisitsisarneq akissarsissutissanik imaattunik katitigaassaaq:

- a) Akissarsiassaq aalajangersimasoq nal. akunneranut.
- b) Akissarsiassaq allanngorartooq (bonusitut tapisiaq) nioqqutissiornerulernermi nal. akunneranut atorineqartumut.

**Imm. 3.** Bonus/akkorderluni suliaqarnermi siumoortumik akissarsisitsisoqartassaaq sulisartup pineqartup § 3 naapertorlugu nal. akunneranut akissarsiassaasa amerlaqataannik, bonus/akkordimik suliat naatsorsorneqarnerat piffissami akissarsiffiusumi pineqartumi ullormut akissarsiffissamut nalinginnaasumut naammassineqarsinnaangikkaangata. Taamatut siumoortumik akissarsiat bonus/akkordimik naatsorsuinerup naammassinerani ilanngaaticigineqartassapput.

**Imm. 4.** Bonusinik aqqissuussinerni aamma ataatsimoorluni akkordernemi, allamik isumaqatigiissuteqartoqarsimangippat, bonusisiasat akkordernersiasallu agguataarneqassapput nal. akunneri peqataasut ataasiakkaat suliffigisimasaat tunngavigalugit.

**Imm. 5.** Bonus/akkorderluni suliaqarnermi piumasaavoq suliap ajunngitsumik naammassineqarnissaa aammalu sakkut nalinginnaasut saniatigut atortussat sakkussallu pisariaqartut piareersimanissaat. Utaqqineq, atortussanik sakkusanillu assartuinerit kiisalu sulinerup nalaani akornutissat naatsorsuutigineqanngitsut kingunerisaannik kinguartooneq sulisartut ataasiakkaat nal. akunnermusiaannik nalinginnaasunik akilerneqassapput. Bonus/akkorderluni sulineq sulinerup nalaani sulisitsisup piumasaqarneratigut allanngortinneqarpat sulisartooq nal. akunnermusiasaminik kiisalu sulinerup allanngortinneqarnerata kingunerisaannik sivitsortoornermut tapisiasaminik pisassaartitaavoq.

**Imm. 6.** Teknikkikkut atortorissarutit nutaat allalluunniit naatsorsuinerumut tunngavissanik allanngortitsippata illua'tungeriit pisinnaatitaapput bonus/akkorderluni suliaqarnermut isumaqatigiissutit isumaqatigiinniutigineqaaqqinnissaannik piumasaqarnissaminnut. Isumaqatigiittoqarsinnaangippat isumaqatigiissut qaammatip ataatsip qaangiunnerani atorunnaartussanngorlugu nalunaarutigineqarsinnaavoq. Isumaqatigiissut atorunnaarpat suliasat pineqartut

isumaqatigiissutit nalinginnaasut naapertorlugit nal. akunnermusiaqarluni suliassatut akissarsiaqaatigineqalissapput.

**Imm. 7.** Misiligutaasunik nioqqutissiornerni atugassarititaasussanik allanik, aamma akissarsianik aalajangersaasarneq pillugu, isumaqatigiissuteqartoqarsinnaavoq isumaqatigiissutinit atuuttunit allaanerusunik.

**Imm. 8.** Bonusisitsisarnerup siunertaraa sulisut naammassisaqarsinnaanerulernissaat. Piffissaq akissarsiaqarfiusoq tamaat sulisup sulinngitsoorfigisimanngippagu taanna bonusisitinneqassaaq. Bonusisitsisarneq Protokollatimi immikkut ittumi aalajangersarneqassaaq.

### **§ 13 - Suliamik unitsitsigallarneq.**

Sulisartooq sulinermi nalaani sila pissutigalugu unitsinneqartoq, allamillu suliassinneqarsinnaanngitsoq, minnerpaamik ullormut nalinginnaasumik sulinermut akissarsiaqartinneqassaaq, angerlartitaanera piffissap suliffiusup pisarnertut aallartinnerani pigaluarpalluunniit.

**Imm. 2.** Aalisakkerivinni sulisartut, piffissap suliffiusup nalinginnaasup aallartinnerani suliar-toqqusaasimagaluartut, maskiinarliulernerulli kingorna nioqqutissiassaaleqilerneq pissutigalugu angerlartinneqartut, akilerneqassapput vagtplan malillugu.

### **§ 14 - Assuarlersinnaatitaaneq.**

SIK assuarlersinnaatitaavoq isumaqaruni sulisartut ulluinnarni piffissap suliffiusussap inissisimanissaa aamma arfininngornermi sulinngiffeqartarnissamik aqqissuussinerit pillugit kissaatigisimasaat suliffeqarfimmut iluaqutaasussanut akornutaanngitsumik pinissaannik naammattumik tunngavilersorneqarsimanngitsut.

**Imm. 2.** Nalornissutigineqalerpat sulisoq tapisianik §§ 5-imit 9-mut aamma 24-mi taaneqartunik tapisiaqartinneqarsinnaanersoq, sulisullu sinniisuat aqqutigalugu tamanna pillugu saaf-

figinnissutit naammaginatut angusaqarfiunngippata, suliassaq Tunngaviusumik Isu-  
maqatigiissummi malittarisassat naapertorlugit sularineqassaaq.

### **§ 15 - Akissarsiat tunniunneqartarnerat.**

Piffissaq akissarsiaqarfiusoq: Qaammammusialinnut: Qaammat ataaseq.

Nalunaaquttap akunnermusiallit: Ullunik 14-inik sivilissuseqarpoq, naatsorsorneqartassal-  
luni ataasingornermit sapaatip akunnerata tulliani sapaammut.

Akissarsiat tapiilu kingumut tunniunneqartassapput.

**Imm. 2.** Sulisartup aningaaserivimmi konto akissarsianik nakkartitsiviusinnaasoq nalunaaruti-  
gissavaa. Akissarsiassat tiguneqarsinnaalissapput piffissap akissarsiaqarfiup naanerata  
kingornatigut tallimangornermi.

**Imm. 3.** Akissarsiat ilaat allanngorartut, soorlu unnuarsiornermut tapisiat, qaangiuttoorner-  
sivutit il.il. akissarsiat tunniunneqarnerisa nalaanni atuuttut malillugit naatsorsorneqartarput.  
Ulloq nalinginnaasumik akissarsiffissaq nalliuttuusimappat ulluinnarmi nalliuttup siuliani  
akissarsisitsineqassaaq.

### **§ 16 - Sulinngiffeqarnek sulinngiffeqarnerisutillu.**

Sulisoq feeriarneq pillugu Inatsisartut inatsisaat nr. 10, 12. novembari 2001-imeersumi malit-  
tarisassat tunngavigalugit ukiumoortumik sulinngiffeqarnissaminnut pisinnaatitaaffeqarpoq.  
Inatsisartut inatsisaanni § 2 naapertorlugu malittarisassat matuma kingulianiittut isu-  
maqatigiissutaapput.

**Imm. 2.** Sulisartuq akissarsiarisimasami 12,5%-iinik sulinngiffeqarnerisutigisinnaasaminik  
katersissaaq.

**Imm. 3.** Sulinggiffeqarnersiutinik pisassanik piumasaqarneq sulisitsisumut saqqummiunneqassaaq kingusinnerpaamik ukiup sulinggiffeqarfiup naaneraniit qaammatit pingasut qaangiutsinnagit. Taamaattoqarsimangippat aningaasat SIK-p Sulinggiffeqarnermut Aningaasaateqarfianut ingerlatinneqassapput.

### **§ 17 - Aningaasaateqarfiit.**

1.apriili 2026-miit aningaasaateqarfinnut ukununga ima akiliuteqartoqassaaq:

- **Qaammarsaanermut Ilinniartitaanermut aningaasaateqarfik:**  
Nal. ak. suliffiusumut ataatsimut 0,50 kr.-imik.
- **Sulinggiffeqarnermut aningaasaateqarfik:**  
Nal. ak. suliffiusumut ataatsimut 0,80 kr.-imik.
- **Isumaginninnermut aningaasaateqarfik:**  
Nal. ak. suliffiusumut ataatsimut 0,55 kr.-imik.

### **§ 18 - Toqukkut qimagaanersiutit.**

Sulisartoq atorfeqarnermi nalaani toquppat aappaanut katissimasaanut imaluunniit qitornaanut 18-it inorlugit ukiulinnut qimagaasunut toqusup pilersugassarisimasaanut qimagaanersiutit ataani allassimasut naapertorlugit tunniunneqassapput:

Suliffimmi ataatsimi sulisimagaanni:

Ukioq 1:..... Sap. ak. 4-ni akissarsiassat.

Ukiut 2:..... Sap. ak. 8-ni akissarsiassat.

Ukiut 5 sivisunerusumillu:... Sap. ak. 12-ini akissarsiassat.

## **§ 19 - Meeqqap napparsimanerini sulingikkallarneq.**

Sulisoq piffissaq tamakkerlugu imaluunniit piffissap ilaannaani akissarsiaminik annaasaqarnani sulingikkallarsinnaatitaavoq meeqqap ukiukitsup napparsimanerani ulluni marlunni paarsinissaminut.

**Imm. 2.** Meeqqap napparsimanerini sulinginneq napparsimanernik allattuiffimmi ilisimatitsis-sutigineqassaaq.

**Imm. 3.** Atornerluineri aaqquussineq sulisunut ataasiakkaanut atortussaajunnaarsinneqarsinnaavoq.

**Imm. 4.** Nalunaaquttap akunnermusialinnut annaasaqaataangitsumik sulingikkallarneq akissarsissutaassaaq ullormi pineqartumi nalunaaquttap-akunneri suliffiusussat nalinginnaasut nalinginnaasumillu nalunaaquttap-akunneranut akissarsiat aallaavigalugit, tapisiallu aalajangersimasut ilanngullugit.

**Imm. 5.** Sulisut ukioq affaq sulereernermi qaammatisiutit malillugit ukiumut ilivitsumut ul-lunik isumaginniffinnik 2-nik pisinnaatitaapput.

## **§ 20 - Meeqqap napparsimanerini sulingikkallarnerit allat.**

Meeqqap 0-imit 16-it angullugit ukiullip illoqarfimmi najukkami imaluunniit illoqarfimmi allami unittariaqalernerani sulisoq ullut 14-it tikillugit akissarsiaminik annaasaqarani sulingikkal-larnissaminut, meeqqap angerlarsimaffimmi, napparsimmavimmut unitsitaanerani Peqqinnissaqarfiup akiligaanik angalanerimi ingiallortitut.

**Imm. 2.** Meeqqap napparsimmavimmut unitsitaanera angajoqqaallu unitsitaaqataanerat ingial-lortitullu angalaqataanerat uppersarneqassapput.

**Imm. 3.** Immikkut illuinnartumik pissutissaqartillugu nakorsamillu uppersarneqarpat su-lingikkallarneq sivitsorneqarsinnaavoq ullut 5-it tikillugit.

## § 21 - Qinikkatut pisortanillu toqqakkatut suliassaqartitaaneq.

Isumaqatigiissut manna tunngavigalugu sulisut pisariaqarnera tunngavigalugu akissarsiaqarnatik sulinngikkallarsinnaatitaapput makkuninnga suliaqarnissaq siunertaralugu:

- a) Inatsisartunut ilaasortaaneq.
- b) Kommunalbestyrelsimut ilaasortaaneq.
- c) Ilagiit sinniisuinut ilaasortaaneq.
- d) Atuarfiit siulersuisuinut imaluunniit sunngiffimmi ataatsimiititaliamut ilaasortaaneq.
- e) Kredsdommeriuneq.
- f) Eqqartuusseqataasartuuneq.
- g) Eqqartuussivimmi illersuisuuneq.
- h) Pisortanit suliassaqartitaanerit allat pisortanit SIK-p Peqatigiiffiini siulersuisuini ilaasortanut imaluunniit SIK-p siulersuisuunerini ilaasortanut.

**Imm. 2.** Imm. 1 tunngavigalugu suliffigisamit qimagussimaneq piffissami nalinginnaasumik suliffiusussaagaluartumi qaangiuttoornerisiaqarfissaq sioqqullugu pisoq sumiginnaanertut isigineqassanngilaq. Suliffimmit qimagussimanissaq sapinngisamik sioqqutsilluarluni suli-sitsisumut nalunaarutigineqartassaaq.

**Imm. 3.** Pisortanit suliassaqartitaanerit allat pisortanit SIK-p Peqatigiiffiini siulersuisuni ilaasortanut imaluunniit SIK-p siulersuisuunerini ilaasortanut suliakkiutigineqartut allaffissor-nikkut sularineqassapput aalajangersakkatut imm. 1-imi 2-milu taaneqartutut.

**Imm. 4.** SIK-p siulersuisuunerinut aamma SIK-p Peqatigiiffiisa siulersuisuinut ilaasortat SIK-p Ataatsimeersuarnerinut Nakkutilliisoqarfiullu ataatsimiinnerinut peqataanerminnut atatillugu akissarsiaqarlutik sulinngissinnaatitaapput amerlanerpaamik ukiumut sisamariarlutik.

**Imm. 5.** SIK-p Peqatigiiffiini siulersuisunut aamma SIK-p siulersuisuunerinut ilaasortat akissarsiaqarnatik sulinngikkallarnissartik kissaatigippassuk tamanna akuerineqartariaqarpoq.

Taamatut sulingikkallartitsisoqarsinnaavoq ukiut ataasiakkaarlugit sivilissusilimmik.

## **§ 22 - Sulingikkallarnerit immikkut ittut allat.**

Sulisut ilaquuttamik qanigisamik perulullutik napparsimaneranni, toqunerani aamma/imaluunniit ilisaaneranni akiliunneqarlutik angalasinnaatitaapput nalinginnaasumillu akissarsiatik pigiinnarlugit sulingikkallarsinnaatitaallutik malittarisassat matuma kinguliiniitut naapertorlugit:

Sulisunut ikinnerpaamik ukiup affaani suliffeqarfimmi sulisooreersimasunut qinnuteqaateqareernikkut ilaquuttat qanigisat perulullutik napparsimaneranni, toqunerani aamma/imaluunniit ilisaaneranni akissarsiatik nalinginnaasut pigiinnarlugit sulingikkallarsinnaatitaapput ulluni suliffiusuni 8-ni. Taamatuttaaq angalanermut akiliussisoqassaaq ilaquuttat qanigisat perulullutik napparsimaneranni aamma/imaluunniit ilisaaneranni, ilisineq Kalaallit Nunaanni illoqarfimmi nunaqarfimmiluunniit allami imaluunniit Danmarkimi pissusaappat. Sulingikkallarnernut siuliini taaneqartunut nalinginnaasumik angalanerup sivilissusia ilanngunneqartassaaq.

Sulisoq ilaquuttami qanigisami najugaqarfianiitillugu/napparsimavimmi il. il. Uninngaffianiitillugu qanigisaa toqukkut qimaguppat sulingiffeqarsinnaatitaa-neq ullunut 14-inut sivitsorneqassaaq.

Toqukkut qimagussimasup pigisaasa kingornussassanik suliarinninnissamut piareersarnermut peqataanermi taamaallaat ulluni 8-ni akissarsiat ilanngaatika-lugit sulingiffeqartitsisoqassaaq. Kingornussassanik suliarinninnerup ajornaku-soornera pissutigalugu peqataasariaqarneq uppersarneqarsinnaappat, ulluni 8-ni akissarsiat pigiinnarlugit sulingiffeqartitsisoqassaaq.

Pissutsit immikkut ittut pineqarpata qinnuteqaateqareernikkut piffissami sivilissunerusumi sulingiffeqartitsisoqarsinnaavoq.

**Imm. 2.** Sulingikkallarnissamik aamma akiliunneqarluni angalanissamik qinnuteqaat allaganngorlugu sulisitsisumut tunniunneqassaaq.

**Imm. 3.** Ilaquttat qanigisat tassaapput angajoqqaat, aappat katissimasat taamatulluunniit naatsorsuussat, qitornat qatanngutillu, kisianni aapparisaq katissimasap taamatulluunniit naatsorsuussap ilaqutai pinnagit.

**Imm. 4.** Suliffiup avataani kisiannili suliffiup iluani SIK-p Peqatigiiffimmi siulersuisut ataatsimi-innerat Sulinermik Inuussutissarsiateqartut Kattuffiata Peqatigiiffianiit aaqqissuunneqarsimappat tamanna sulisut sinniisaannut akissarsiatigut annaasaqaataanani pisinnaatitaaffiusaaq taamatullu pisoqassatillugu sapinngisamik siusinaartumik Arctic Prime Fisheries ApS-imut tamanna isumaqatigiissutigineqartassaaq.

### **§ 23 - Naartuneq, ernineq qitornavissiarnerlu.**

Sulisoq akissarsiani pigiinnarlugit naartunermi, ernereernerup kingorna, qitornavissiarnermut atatillugu sulingiffeqarsinnaatitaavoq naartunermi, ernereernerup kingorna qitornavissiarnermilu Inatsisartut inatsisaat qaqaqumulluunniit atuuttoq naapertorlugu.

### **§ 24 - Pikkorissutsimut tapisiat.**

Isumaqatigiissut manna tunngavigalugu atorfinitsinneqarsimasunut pikkorissutsimut tapisiaqartitsisoqarsinnaavoq ataatsimik arlalinnilluunniit.

**Imm. 2.** Tapisiat sulisunut suliaticigut pikkorissutsikkullu imaluunniit allaticigut immikkut inissisimasanut tunniunneqartassapput, taamatut inissisimaneq isumaqatigiissummi matumani nalinginnaasumik tunngaviusuni akissarsiatigut taaneqartunut il.il. ilaatinneqanngippat.

**Imm. 3.** Tapisiat tunniunneqassapput suliffiup sulisullu sinniisaata isumaqatigiinniarnertigut.

**Imm. 4.** Isumaqatigiissutigineqartut SIK-mut ilisimatitsissutitut nassiunneqassapput.

## **§ 25 - Ineqarneq.**

Atorfinnik inuttassarsiuussinerni ineqarneq pillugu makku nalunaarneqartassapput:

- a) inissaqartitsisoqartoq malittarisassat qaqugukkulluunniit atuuttut naapertorlugit, imaluunniit
- b) inissaqartitsisoqanngitsoq, imaluunniit
- c) atorfimmu atattillugu pisussaaffeqartoq suliffimmu atattillugu inigisassaataasumik ineqarnissamut.

**Imm. 2.** Atorfinitinneqartup inissiaq innersuunneqartoq najugariumanngippagu inissiamik allamik innersuussisoqarsinnaanngilaq.

**Imm. 3.** Imm. 1, a) naapertorlugu inissianut innersuunneqartunut ineqarnermut akiliuteqartoqartoq Namminersorlutik Oqartussat inissiaataanni ineqarnermut akiliuteqartarnermut malittarisassat qaqugukkulluunniit atuuttut naapertorlugit. Inissiamik innersuunneqartumik sumiginnaasoqarpat anisitaanermik kinguneqartumik, inissiamik allamik innersuussisoqarsinnaanngilaq.

**Imm. 4.** Atorfillit imm. 1, c) naapertorlugu atorfimmu atattillugu inigisassaataasumik ineqarnermut akiliuteqartassappat malittarisassat tjenestemandinut Namminersorlutik Oqartussani kommuninilu sulisunut qaqugukkulluunniit atuuttut naapertorlugit, isumaqatigiissutinik takussutissiami immikkoortumi allassimasut naapertorlugit.

## **§ 26 - Atorfininnermi soraarnermilu akiliunneqarluni angalanerit.**

Atorfininnermi Danmarkimi Kalaallit Nunaanniluunniit angerlarsimaffigisap suliffeqarfigisallu akornanni akiliunneqarluni angalatitsisoqassaaq inuttassarsiuussilluni allagarsiussaq naapertorlugu inissaqartitsisoqarpat imaluunniit atorfimmu atattillugu inigisassaataasumik

najugaqarnissaq pisussaaffiuppat, tak. § 25, imm. 1, a) aamma c).

**Imm. 2.** Akiliunneqarluni atorfininnermi angalanermut aamma ilaatinneqarput atorfeqartup aapparisaa katissimasaq imaluunniit tamatumunnga naligitaasoq kiisalu meera 18-it inorlugit ukiullit. Taama ilaqtariit akiliunneqarlutik angalanerat sapinngisamik ataatsimoorluni ingerlanniarneqartassaaq.

**Imm. 3.** Taama akiliunneqarluni atorfininnermi angalaneq inummut namminermuinnaq tungatitaavoq allanullu tunniunneqarsinnaanani. Akiliunneqarluni angalasinnaatitaaneq ator-neqanngitsoq taartisissutigineqarsinnaanngilaq.

**Imm. 4.** Atorfininninnermi akiliunneqarluni angalasinnaatitaanermi aqutit sulisitsisumit innersuunneqartut ator-neqartassapput.

**Imm. 5.** Atlantikoq ikaarlugu billetimi Danmarkimi namminermi angalaneq ilaagaangat taamaallaat matussuserneqarsinnaapput najukkap nunallu immikkoortuani mittarfiup akornanni tamanut angallassissutit atorlugit akikinnerpaamik angallanneqarnermut aningaasartuutit uppersarneqarsinnaasut. Allatut angalasoqartillugu najukkap aamma Kastrup Lufthavnip akornanni tamanut angallassissutit atorlugit angallanneqarnermut akikinnerpaamik aningaasartuutit matussuserneqartassapput.

**Imm. 6.** Københavniinnermi aningaasartuutaajunnartut atorfeqartup nammineq akilissavai.

**Imm. 7.** Kalaallit Nunaanni namminermi atorfininnermut atatillugu akiliunneqarluni angalanermi taamaallaat matussuserneqartassapput najukkap atorfeqarfissallu akornanni tamanut angallassissutit atorlugit akikinnerpaamik angalanermut aningaasartuutigisimasat uppersarneqarsinnaasut.

**Imm. 8.** Atorfininnermi pigisat assartorneqassapput malittarisassat tjenestemandinut Namminersorlutik Oqartussani kommuninilu atorfilinnut qaqugukkulluunniit atuuttut isu-

maqatigiissutini takussutissiami immikkoortumi allassimasut naapertorlugit.

## **§ 27 - Napparsimaneq.**

Sulisoq napparsimanini pissutigalugu suliainik ingerlatsisinnaajunnaarpat pissuteqavilluni sulinginnertut tamanna naatsorsuunneqassaaq. Pissuteqavillunili sulinginnertut naatsorsuunneqarsinnaangilaq sulisoq sulitilluni piaaraluni imaluunniit mianersuaalliorujussuarnermi kingunerisaanik sulisinnaajunnaarpat sulilernerminiluunniit peqquserlunnikut nappaateqarnini nipangiussimappagu.

**Imm. 2.** Qaammammusialinni sulisoq qaammatini malittuinnarni 12-ini katillugit ulluni 120-ni napparsimanermini akissarsiaqarsimappat, qaammatip naaneranut ima siumut ilisimatitsereerluni soraarsitsisoqarsinnaavoq:

Suliffeqarfimmi ataatsimi:

- ukiuni 0 - 5 atorfeqareernermi: qaammat 1.
- ukiuni 6 - 8 atorfeqareernermi: qaammatit 3.
- ukiuni 9 sivilunerumillu atorfeqareernermi: qaammatit 4.

Soraarsitsineq aatsaat atuussinnaavoq ullut 120-t pineqartut qaangiunnerannut tunngasuteqarpat aammalu akissarsialik suli napparsimappat. Soraarsitsinerulli atuunnissaanut apeqqutassangilaq pineqartup soraarsinneqarnerminik nalunaarfigineqarnermi kingornatigut suleqqilereersimanera.

**Imm. 3.** Imm. 2-mi aalajangersagaq naapertorlugu atorfeqarnek atorunnaarsimappat atorfinitsitseqqinneq aatsaat pisinnaasariaqarpoq pineqartoq sulisinnaaqqilerpat aammalu suliffimmi pineqartumi sulisussanik pineqartunik suli atorfissaqartitsisoqarpat.

**Imm. 4.** Sulisut nalunaaquttap akunnermusiallit piffissaq tamaat sulisut SIK-mullu ilaasortasut napparsimanerminni ullormusiaqartinneqassapput, taakku napparsimalinginnerminni ulluni ikinnerpaamik 30-ni atasuinnarmik sulisuusimappata, imatut:

**Imm. 5.** Ullormusiaqartitsisoqassaaq ulloq sulisinnaangiffik siulleq aallarnerfigalugu. Sapaatip akunneranut ullut arfinillit (6) ullormusiaqartitsiffiussapput. Ullormusiaqartitsisoqarsinnaavoq sivisunerpaamik sapaatip akunnerini 26-ni qaammatit tulleriiginnaat 12-it iluanni. Sulisinnaanginnerli sulinerup nalaani ajutoornermik pissuteqarpat ullormusiaqartitseqqittoqarsinnaavoq suli sapaatip-akunnerini 13-inik ilallugit.

**Imm. 6.** Ullormusiaqartitsineq unissaaq ullormi sulisup sulisinnaaleqqiffiani, sulisoq ingerlaanaq sulilingikkaluarpalluunniit, aammalu sulisoq peqqissinerminik nalunaaruteqanngikkaluarpalluunniit. Ullormusiaqartitsinerli nangissaaq sulisup sulisinnaaleqqikkaluarluni suliffimmi najugaqarfia qimallugu napparsimanermini katsorsartereerluni aqqutissaq piler-tonerpaaq atorlugu suliffimminut uternissaata tungaanut.

**Imm. 7.** Napparsimanerup nalaani soraarsitaanermi ulloq suliunnaarfissaaq tikillugu ullormusiaqartitaasinnaaneq atuutissaaq.

**Imm. 8.** Ullormusiat kr. 150,00-iupput, piffissamilu akissarsiorfimmi akissarsianut ilanngullugit SIK-mut ilaasortaasunut tunniunneqartassallutik.

**Qaammammusialinnut aamma nalunaaquttap akunnermusialinnut:**

**Imm. 9.** Napparsimalluni sulinngitsoonerup nakorsamit uppernarsaaserneqarnissaa piumarineqarsinnaavoq. Nakorsamit uppernarsaatit piumarineqartut sulisitsisumit akilerneqassapput.

**Imm. 10.** Suliartoreernerup kingorna nakorsiarneq, kingusiarneq, meeqqanilluunniit nakorsiaassineq tiimeqaataassaaq.

**Imm. 11.** Atornerluisoqarpat aqqissuussinerit pineqartut sulisunut ataasiakkaanut tunngatillugit atorunnaarsinneqarsinnaapput.

## **§ 28 - Aaqqiagiinngissutit assigiinngitsuliorlunilu soraarsitsinerit.**

Aaqqiagiinngissutit Sulisitsisut (GE) aamma Sulinermik Inuussutissarsiuteqartut Kattuffiata (SIK) Tunngaviusumik Isumaqatigiissutaanni malittarisassat atuuttut naapertorlugit suliarineqartassapput.

**Imm. 2.** Inuit ataasiakkaat soraarsinneqarsinnaanerannut pisinnaatitaaffimmik atuinermi assigiinngitsuliortoqassanngilaq. Tamanna pillugu aaqqiagiinngissutit Tunngaviusumik Isumaqatigiissummi malittarisassat qulaani taaneqartut naapertorlugit suliarineqartassapput.

## **§ 29 - Sulisut sinniisaat pillugit malittarisassat.**

Isumaqatigiissut manna malillugu sulisuusut sulisut sinniisaat pillugit Sulisitsisut (GE) aamma Sulinermik Inuussutissarsiuteqartut Kattuffiata (SIK) isumaqatigiissutaannut qaqugukkulluunniit atuuttumut ilaapput.

## **§ 30 - Lærlingit ilinniartullu.**

Lærlingit ilinniartullu Naalakkersuisut aamma Sulinermik Inuussutissarsiuteqartut Kattuffiata isumaqatigiissutaannut qaqugukkulluunniit atuuttumut ilaapput.

## **§ 31 - Soraarniuteqarneq soraarsitsinerlu.**

### **Qaammamusialinnut:**

Atorfillit, isumaqatigiissut taanna malillugu atorfeqartinneqartut, atorfillit pillugit inatsit naapertorlugit soraarsitsinissamut ilimasaaruteqartarneq pisassaaq. Atorfeqarnermi qaammatini siullerni pingasuni atuuppoq ilisimatitsereertarnissamik malittarisassaq manna: Sulisitsisoq soraarsitsissaaq sulisorlu soraarniuteqassalluni tamarmik ullunik 8-nik (ullut suliffiusut 5-it) siumut ilisimatitsereerlutik ullormi sumiluunniit.

**Imm. 2.** Qaammatini pingasuni atorfeqareersut eqqarsaatigalugit sulisitsisup soraarsitsinia-

rnermik siumut ilisimatisereertarnissaanut uku atuupput:

- atorfininnerup kingorna qaammatini arfinilinni siullerni qaammammik ataatsimik ilisimatitsererluni qaammatip naaneranut,
- atorfininnerup kingorna qaammatit arfinillit kingorna qaammatinik pingasunik ilisimatitsererluni qaammatip naaneranut,
- tamatuma kingorna ukiut atorfeqarnerit pingasukkaarlugit siumut ilisimatitsererluni soraarsitsisinnaanerit qaammammik ataatsimik ilaneqartassapput, annerpaamil-li qaammatini arfinilinni.

**Imm. 3.** Qaammatini pingasuni atorfeqareersut eqqarsaatigalugit sulisup soraarniarnerminik siumut ilisimatisereertarnissaanut uku atuupput:

- Qaammammik ataatsimik ilisimatitsererluni qaammatip naaneranut.

**Nalunaaquttap akunnermusialinnut:**

**Imm. 4.** Sulisartoq atorfilittut atorfeqanngitsoq, soraarsitsinissamut ilimasaaruteqar-nissamut makku atuupput: Atorfeqarnermi qaammammi siullermi sulisitsisoq sulisartorlu-unniit pisussaatitaangillat atorfeqarnermik unitsitsinissamut tunngatillugu siumut ilisima-titserernissamut.

**Imm. 5.** Tunisassiornermi sulisunut atuupput soraarsitsinissamik/soraarnissamik siumut ilisimatitserernissamut piffissaritat uku:

	<u>Sulisitsisumit:</u>	<u>Sulisartumit:</u>
Nalunaaquttap-akunnermusialinnut.		
ukiuni siullermi (qaammat siulleq pinnagu)	Sap. ak. 2	Ullut 3-it.
ukiuni 2-mi, 3-mi, 4-mi 5-imilu:	Sap. ak. 4	Sap.ak. 2-it.
Kingornatigut:	Sap. ak. 6	Sap.ak. 3-it.

Sulisitsisup sulisullu soraarsitsinissamik soraarnissamillu siumut ilisimatitsissutaat allagann-

gorlugu tunniunneqassaaq.

**Imm. 6.** Soraarniuteqarnermut/soraarsitsinermut siumoortumik nalunaaruteqarnissamut piffissarititaasut imm. 2-miittut sulisunut suliffeqarfimmi ataatsimi kipisaqattaanngitsumik suliffeqarsimasunut atuupput. Pissutsilli makku kipititsisutut naatsorsuunneqanngillat:

- a) Napparsimaneq erngerluni kingusinnerpaamillu nalunaaquttap-akunnerisa 24-t qaangiutinnginneranni suliffimmut nalunaarutigineqartoq,
- b) Naartuneq, ernineq qitornavissiartaarnerlu pillugit Inatsisartut inatsisaat naapertorlugu sulinnginneq.
- c) Suliamik unitsitsineq silamik, maskiinat uninnerannik, atortussanik amigaateqalerner mik, assigisaanniluunniit pissuteqartoq, sulisoq neqeroorfigineqarluni suleqqilersimappat.

**Imm. 7.** Soraarniarnermik soraarsitsinermillu piffissaliusaaq atorunnaassaaq sulisartup paarsinerlunneratigut imaluunniit maskinap uninneratigut suliassaarunnermi, atortussanik amigaateqalernermi allatullu siumut naatsorsuutigineqareersinnaanngitsumik ingerlatsineq tamakkiisumik ilaannakortumilluunniit unippat.

**Qaammammusialinnut aamma nalunaaquttap akunnermusialinnut:**

**Imm. 8.** Sulisitsisup sulisullu soraarsitsinissamik soraarnissamillu siumut ilisimatitsissutaat allaganngorlugu tunniunneqassaaq.

## **§ 32 - Piffissaq isumaqatigiissutip atuuffia.**

Sumiiffimmi isumaqatigiissut manna atuutilissaaq 1. aprili 2026.

Isumaqatigiissut illua'tungeriinnit tamanit atorunnaarsinneqarsinnaavoq marsip 31-anut qaammatinik pingasunik siumut ilisimatitsererluni, siusinnerpaamilli 31. marsi 2029.

Ulloq juunip 3-ani 2026

Sulinermik Inuussutissarsiteqartut Kattuffiat

Arctic Prime Fisheries ApS

---

Sofie Svendsen

Kattuffimmi siulittaasup tullia

---

Hentzar Petersen

Pisortaa

- *Qallunaatuaa atsiorneqarpoq.*